

# SCRIPTA

---

**Numéro Scripta** : 5129

**Auteur(s)** : Alexandre III [pape]

**Bénéficiaire(s)** : Tours, Saint-Martin de Marmoutier (abbaye)

**Genre d'acte** : bulle

**Authenticité** : non suspect

**Datation** : 1178, 28 octobre

**Lieu d'émission** : Latran

**Action juridique** : confirmation

**Langue du texte** : latin

## Analyse

Le pape Alexandre [III] confirme à l'abbaye de Marmoutier ses églises dépendantes du prieuré de [Saint-Martin-du-Vieux-]Bellême.

## Tableau de la tradition

### Éditions principales

a. Ramackers Johannes, *Papsturkunden in Frankreich*, Neue Folge 2 Normandie, Göttingen, Vandenhoeck & Ruprecht (Abhandlungen der Gesellschaft der Wissenschaften zu Göttingen. Philologisch-historische Klasse, 21), 1937, 2 vol., n° 178, p. 273-275.

### Indications

Jaffé Philippe, Wattenbach Wilhelm, *Regesta pontificum Romanorum ab condita ecclesia ad annum post Christum natum MCXCVIII* 2<sup>e</sup>éd., Leipzig, Veit, 1885-1888, 2 vol., n° †13114, t. 2, p. 326.

Texte établi d'après a

Alexander episcopus seruus seruorum Dei. Dilectis filiis Her. abbati et capitulo Maioris Monasterii salutem et apostolicam benedictionem. Quoniam ex pastoralis officio nobis diuina dignatione commisso specialius nobis incumbit paci ecclesiarum prouidere et quieti et non solum contentiones in eis suscitatas ad regulam equitatis componere, uerum etiam, ne suscitentur quacumque de causa, omni cautela prouidere, religiosum ac salubre ducimus uos diuine instinctu caritatis et uestre pacis et quietis intuitu, quos sincere dilectionis affectu complectimur, ecclesias, que ad uos ex prioratu Beslismensi spectare dignoscuntur, ipsam scilicet ecclesiam sancti Leonardi de Beslismo, ecclesias sancti Saluatoris et sancti Petri de Beslismo, ecclesiam sancti Petri di Oriniaco, ecclesiam sancte Marie de Belenuiler, ecclesiam sancti Audoeni de Pinu, ecclesiam sancte Marie de Ueteri Castro, ecclesiam sancti Martini de Ueteri Beslismo, ecclesiam sancti Audoeni de Curia, ecclesiam sancte Marie de Cortiolt, ecclesiam sancti Martini de Corto Loonardo, ecclesiam sancti Mauricii de Uitiaco, ecclesiam sancti Iouini de Danceio, ecclesiam sancti Petri de Capella Soeph, uniuersas has ecclesias cum omnibus appendiciis suis et earundem presentationes ecclesie uestre Beslismensi et uobis Maioris Monasterii monachis absolute in perpetuum possidendas benigne concedimus et, ne deinceps super hiis omnibus aut earum qualibet aliqua ratione cuiuslibet presumptione molestemini uel cuiusquam calumpniam incurratis, eas uobis auctoritate apostolica confirmantes earum confirmationem presentis scripti patrocinio communimus. Statuentes, ut nulli omnino hominum liceat hanc paginam nostre confirmationis infringere uel ei aliquatenus contraire. Si quis autem hoc attemptare presumpserit,

indignationem omnipotentis Dei et beatorum Petri et Pauli apostolorum eius se nouerit incursum. Dat. Lateran.  
anno ab incarnatione domini Mmo.Cmo.LXXmo.VIII, V kal. nouembris.